



**TRIUNFU PI**  
**SANTA RUSULIA**

## RECITATO

RUSULIA SANTA VIRGINI AMURUSA  
GIGGHIU ADDIVATU FUSTIA ALL'ACQUI PURI  
LA DISCINNENZA TUA FU PRIZIUSA  
DI CARLO MAGNO VINNI IMPERATORI

PI ESSIRI A DDIU LA CILESTI SPUSA  
DI 'NCELU E 'NTERRA CI RETTI ST'ONURI APPOSTA 'NTA  
STU MUNNU FU MANNATA  
PI ESSIRI DI PALERMO L'AVVOCATA

ESSENU LA SICILIA TURMINTATA  
D'INDIGNI MANIGOLDI E SARACINI  
LA SANTA LIGGI VINEVA DISCACCIATA  
DI CHISTI BARBARI INDIGNI ER'ASSASSINI

LA GRAN SIGNURA MARIA IMMACOLATA  
PI LIBBIRARI A NUI DI STI RUINI  
VA 'NSONNU NNI RUGGERI CI RICIA  
PARTI E VA LIBIRA L'ISULA MIA

PARTIU RUGGERI A NOMI DI MARIA  
COMU A PALERMO L'ARMATA PORTA  
LU VALURI E LA SPATA SUA C'AVIA  
LI TURCHI E LI SARACENI DISCACCIAU

E IDDU E TUTTA LA GRAN SIGNURIA  
CURTI RIALI 'NPALERMO PIANTAU  
MISI ASSURDARI SUTTA LI BANNERI  
OMINI FORTI E VALENTI CAVALERI

SENU A PALERMO LU CONTI RUGGERI  
UNA SORELLA L'AVIA E LA MARITAU  
CI RETTI PI SPUSU UN BRAVU CAVALERI  
CA SINIBALDI DI NOMU SI CHIAMAVA

ANTICAMENTI FICI LI SO SCHIERI  
E DDIU NA BEDDA FIGGHIA CI MANNAU  
E PI VULIRI DI L'ALTU MISSIA  
DI SINIBALDI VINNI RUSULIA

## CANTO N.1

ESSENU NATA SANTA RUSULIA  
TRIUNFU FICI LA CORTI RIALI  
TUTTU LU POPULU GRAN FESTA CI FACIA  
PI LI BIDDIZZI, C'NUN C'ERANU L'IGUALI  
**E LA NURRIZZA, CU È CA LA NUTRIA**  
**LA VULEVA BENIRI 'NTO NA MANERA TALI**  
**'NTA LU SO PETTU SEMPRI L'ALLATTAVA**  
**E GILUSA RU LATU, MAI UN S'ARRASSAVA**

ERA NA SANTA E IDDA LU MUSTRAVA  
E DI LA CORTI SI FACEVA AMARI  
SINIBALDI ASSAI SINNÌ PRIAVA  
C'AVIA STA FIGGHIA DI BIDDIZZI RARI  
**LA MATRI ASSAI LA FIGGHIA STIMAVA**  
**LA SANTA LIGGI CI MISI A 'MPARARI**  
**E LA 'MPARAVA CU N'AFFETTU PIU**  
**E LA VIRGINEDDA MISI AD'AMARI A DDIU**

RUSULIA SANTA POI QUANNU CRISCIU  
COMU A VULUTU DDIU VERBU DIVINU  
A LA CURTI RIALI JUNCIU  
UN CAVALIERI CHIAMATU BALDOVINO  
**LU RE RUGGERI CA LU CANUSCIU**  
**E L'ACCUGGHIU CU GIOIA E FISTINU**  
**MA COMU CHISTU VITTI RUSULIA**  
**S'IMMAMURÒ E 'MPAZZENNU NNI JA**

'NTA LU PALAZZU QUANNU LA VIRIA  
LU CORI FORTI A IDDU S'INCIAMMAVA  
PERÒ A SO PATRI NENTI CI RICIA PICCHI SI  
SCANTAVA SI LU RIFIUTAVA  
**RUSULIA SANTA NENTI 'NNI SAPIA**  
**OMINI 'NFACCI MAI NNI GUARDAVA**  
**AD UNU SULU PURTAVA L'AMURI**  
**A GESÙ CRISTU NOSTRU RIDINTURI**

CUNSIDIRAVA CU PERFETTU AMURI  
CU'A LU CALVARIU MORSI CRUCIFISSU  
E A LI PERI DI NOSTRU SIGNURI  
CI STAVA RUSULIA SEMPRI SPISSU  
**E BALDOVINU OMU DI VALURI**  
**CIRCAVA A RUSULIA PINSERI FISSU**  
**CIRCAVA CU LI SO BONI MANIERI**  
**PI PUTIRISI SPIARI LI PINSIERI**

UN GHIORNU VA CACCIA LU CONTI RUGGIERI  
FICI LA VIA DI MONTI PIDDIRINU  
SI PURTAU LI SO BRAVI CAVALIERI  
LI CACCIATURI E PURU A BALDOVINU  
**SENNÙ A LI FAVURI SPARTI A LI SCHIERI**  
**LU RE UNN'AVENNU PIRSUNI VICINU**  
**UN FIRUCI LIUNI L'AGGUANTAU**  
**LU RE FU PRONTU E LA SPADA TIRAU**

CU LU LIUNI LA LUTTA CUMINCIAU  
MA LU LIUNI GIÀ LU SUPERAU  
IN CHIDDU 'STANTI BALDOVINU ARRIVAU  
CA VITTI CA LU RE, ERA STANCU E AFFANNATU  
**LEVA DI PARTI E IDDU S'AVANZAU**  
**SCIPPÀ LA SPATA CHI TINEVA A LATU**  
**SICCOME ERA FORTI E VALENTI CAVALERI**  
**CI RETTI LA MORTI ADD'ARMALI POTENTI**

LU RE RISTÒ INTIERO VERAMENTI  
QUANNU VITTI 'NTERRA DDU FIERU LIUNI  
FACENNU ALL'ALTU DDIU RINGRAZIAMENTI  
E UNI E L'AUTRI MISI 'NGINUCCHIUNI  
**IN CHIDDU 'STANTI CURRERU LI GENTI**  
**LI CONTI E LI PRINCIPI E TUTTI LI BARUNI**  
**LU RE STU FATTU A TUTTI CI CUNTAU**  
**CA BALDOVINO LA VITA CI SALVAU**

PI STU PRUDIGIU QUALI OPERAU  
BALDOVINU DIVINNI GRANDI OMU DI VALURI  
LU RE A LA SPADDA SUA SI LU PURTAU  
CON SEMPLICI LODI E TUTTI LI UNURI  
**DI PRIMIALLU SUBITU IDDU PINSAU**  
**LU RE CI STAVA QUASI CU TIMURI**  
**DI QUALI PREMIU DARICI UN SAPIA**  
**DI L'OBBLIGO E DI VITA CH'IDDU CI AVIA**

CI DUMANNÒ CHI GRAZIA VULIA  
...EH BALDOVINU SI NNI APRUFITTAU  
PI LU PINSERI 'NTESTA CHIDDU AVIA  
STA GRAZIA A LU RE CI ADDUMANNAU  
**CI RISSI «<...IU VOGGHIU PI SPUSA A RUSULIA»**  
**LU RE RUGGERI SI NNI RALLIGRAU**  
**A BALDOVINU CI RISSI NUN TIMITI**  
**A ME NIPUTI PI SPUSA VUI L'AVRITI**

ARRIVATU A LU PALAZZU, BEN SINTITI  
LU RE 'NA GRANNI FESTA FICI FARI  
A DAMI E CAVALIERI TUTTI UNITI  
LI 'MMITÒ TUTTI A PALAZZU RIALI  
**A LA FINUTA DI LU PRANZU ORA SINTITI**  
**LU RIALI NOBILI VOSI LICINZIARI**  
**E BALDOVINU NNI RISTAU TANT'AMMIRATU**  
**DI LA GRAN CURTI E DI TUTTI AVANTATU**

SENNÙ LU RE A PALAZZU RIPOSATU  
E BALDOVINU CHI VULEVA A RUSULIA  
LU RE LU RISSI A LA SORU E A LU CUGNATU  
CHI VERAMENTI RACCUSSI CI CUMMINIA  
**CHISTI DU SPUSI S'HANNU CUNTINTATU**  
**LA MATRI RISSI LASSATI FARI A MIA**  
**CHI COSA BONA NUI DUVIMU FARI**  
**CU BALDOVINU NUI APPARENTARI**

LA MATRI VOSI A RUSULIA CHIAMARI  
E CI CUNFIDA TUTTU LU TRATTATU  
CA PI LI MODI E LI TUI BIDDIZZI RARI  
UN CAVALIERI DI TIA È 'NAMURATU  
**FIGGHIA PI SPUSU, TU LU DIV'ACCITTARI  
PICCHÌ LU RE, TO ZIU, L'HA CUMANNATU**  
...E RUSULIA CU DOLCISSIMO PARRARI CI RISSI  
**««MATRI UN MI VOGGHIU MARITARI»»»**

...E RUSULIA CU DOLCISSIMO PARRARI CI RISSI  
**«MATRI UN MI VOGGHIU MARITARI».**

## **RECITATO**

E SANTA RUSULIA FICI UN PARTITU  
DI LI CHIAGHI DI CRISTU SI 'NCIAMMAU  
DICENNU CH'IDDA VOLI PI MARITU  
A LU SO ETERNU DDIU CA LA CRIAU

NASCIU STA VIRGINEDDA RUSULIA  
E 'NTA LA CONCA D'ORU SPARMA L'ALI  
E SI 'NCIAMMAU DI CRISTU RIDINTURI  
CHIDDU CA CRIAU CELU, TERRA E MARI

LU DIMONIU CI DICIA  
**SENTI SENTI RUSULIA**  
**RUSULIA T'HA MARITARI**  
**MEGHIU 'I MIA TU NUN PO' ASCIARI**

*MA IU SUGNU MARITATA  
CU GESÙ SUGNU SPUSATA  
E LA ROBBA NUN È MIA  
E DI GESU E DI MARIA*

**RUSULIA, RUSULIA**  
**CHI NN'HA FARI DI STA CRUCI?**  
**CA SI FORA I MIA E DI TIA**  
**'N-CENTU PEZZI LA FARIA**

RUSULIA CHI CHISTU SENTI  
LI GINOCCHIA 'N TERRA POSA  
'UN ABBASTA DI PRIARI  
'UN ABBASTA I LACRIMARI  
SI TU UN VENI E NUN M'AIUTI  
PERDU L'ARMA E LA SALUTI

CALA L'ANCILU CU LA SPATA  
BRUTTU BESTIU CANCIA STRATA  
E VATTINNI 'NTA L'ABBISSU  
UNNI TI MANNA 'U CRUCIFISSU

FARFAREDDU VACCI TU,  
IU PI MIA UN CI VAJU CCHIÙ  
MI NNI DETTIRU TANTI E QUANTI  
MI RUMPERU LI PUMA DI L'ANCHI

VIVA VIVA RUSULIA,  
CA LU 'NFERNU FA TRIMARI  
E LUCIFARU CU TIA  
UN CI POTTI CUNTRASTARI

COMU SPUSA DI L'AMANTI CILESTI  
SCANSANNI DI FAMI TIRRI MOTI E PESTI  
COMU NA LIBIRATU TANTI VOTI  
SCANSANNI DI FAMI, PESTI, GUERRI E RI  
TIRRI MUOTI



## CANTO N. 2

UN CERTU JORNU VOSI PITTINARI  
LA CAMMARERA A SANTA RUSALIA  
DI PERLE E GIOIE LA MISI AD INTRICCIARI  
NÀ LI SÒ BEDDI CAPIDDI C'AVIA  
**MA PI CHIÙ MEGGHIU FALLA NCAPRICCIARI  
CÀ C'È LU SPECCHIU GUARDATI CI DICIA  
MENTRI A LU SPECCHIU SI GUARDAVA FISSU  
CI ACCUMPARIU GÉSU CROCIFISSU**

E LA CHIAMAU GÉSU IDDU STISSU  
*RUSULIA SUGNU LU TÒ REDENTURI  
CHI MORSI A LA CRÙCI TRAFISSU  
PI TIA PATIVI TURMENTI E DULURI*  
**LASSA LU SPECCHIU E MIA GUARDA FISSU  
DI LI ME MANU LI CINQU APERTURI  
IO MORSI IN CRUCI CU TURMENTI E PENI  
TU T'INNAMURI DI COSI TIRRENI**

REPLICA E DICI L'AMATU SIGNURI  
*VENI LU SARVATURI A LA BADIA  
E DA SI VIRI CU PERFETTU AMURI  
CA JU SUGNU PRONTU E MI SPÙSU CU TÌA*  
**SI UN SAI LA STRATA UN STARI CU TIMURI  
UN ANCIULEDDU T'IMPARÀ LA VIA  
RUSULIA 'NTISI CHISTU E UN PARRAU  
E 'N-SOCCU RISSI DDIU NUN CUNFIRAU**

ORA PRIGAMU CU NA FEDI I TIA  
VIVA LA VIRGINEDDA RUSULIA  
... VIVA SANTA RUSULIA

GIACULATORIA  
EH NUN È CUNFRATI C'U-NNU RICI CU MIA .  
.. VIVA SANTA RUSULIA

## RECITATO

QUANNU GESU CUMMITAU  
TUTTI QUANTI I VIRGINEDDI  
BEDDU PRANZU APPARICCHIAU  
DI GALANTI E COSI BEDDI  
'NTA LU MENZU DU BANCHETTU  
S'ASSITTAU CU GRAN RISPETTU

'NTA LI TANTI VIRGINEDDI  
CCI NN'ERA UNA E LACRIMAVA  
SI PIGGHIAVA DI RISPETTU  
LA SO PATRIA IDDA PINSAVA  
SI VUTÒ A MATRÌ MARIA E CI RISSI..  
**«CHI HAI CHI CHIANCI RUSULIA?».**

*«...CH'AJU AVIRI MATRI BEDDA  
HAJU 'NA GRANNI AFFRIZIONI,  
LA ME PATRIA È PUVIREDDA  
È 'NTA 'NA CUNFUSIONI  
CC'È UN SIRPENTI CHI CAMINA  
E 'A CITTÀ È MISA A RUINA».*

**«..ZITTU ZITTU RUSULIA:  
'N HÀ PAURA FIGGHIA MIA;  
ORA VAJU NNI MÈ FIGGHIU  
BIANCU E BIUNNU COMU UN GIGGHIU  
È LU RE SUPRA LI RÈ  
CH'È PATRUNI 'I QUANTU CC'È».**

**«FIGGHIU MIU, 'NA VIRGINEDDA  
M'HA CUNTATU N'AFFRIZIONI  
LA SO PATRIA È PUVIREDDA  
È 'NTA 'NA CUNFUSIONI  
C'È UN SIRPENTI CHI CAMINA  
E A CITTÀ È MISA IN RUINA».**

**«MATRI MIA SUNNU PICCATURI  
IU LI VOGGHIU CASTIARI  
HANNU FATTU MILLI ERRURI  
E IU LI VOGGHIU SUBBISSARI  
CÙ NUN FA CUNTU DI MIA  
LI CASTIU MATRI MIA».**

**«FIGGHIU MIU L'HA PIRDUNARI  
CA DI PÒ L'HA FATTU TU  
SUNNU GENTI DI STU REGNU  
CCHIÙ SUNNU AVVINTI E 'UN PONNU CCHIÙ  
P'Ù LATTI CHI DETTI A TIA  
FÀ LA GRAZIA A RUSULIA».**

**«MATRI MIA SITI PATRUNA  
DI LU SULI E DI LA LUNA  
DI LI STIDDI E QUANTU C'È  
E GIÀ CHI ME MATRI LA CUMANNA  
BINIRICU LA CAMPAGNA,  
MENTRI ÙLITI MATRI MIA,  
FAZZU A GRAZIA A RUSULIA».**

**VIVA VIVA RUSULIA  
CA LU 'NFERNU FÀ TRIMARI  
E LUCIFURU CU TIA  
NUN CCI POTTI CUNTRASTARI**

**COMU SPUSA DI L'AMANTI CILESTI  
SCANSANNI RI FAMI DI TIRIMOTI E PESTI  
E COMU NN'HA LIBIRATU TANTI VOTI  
SCANSANNI DI FAMI, PESTI, GUERRI  
E DI TIRIMOTI.**

### CANTO N. 3

FRATANTO LA CITTÀ ERA TORMENTATA  
D'UN MALI CRUDILI E VIOLENTI  
LA PESTI CA DI DDIU ERA COMANNATA  
FACEVA STRAGI DI L'UMANA GENTI  
DI 'STA SANTUZZA CH'È NOSTRA AVVOCATA  
NUN SI PARRAVA E UN SI RICEVA NENTI  
QUATTROCENT'ANNI SENNO MATORATI  
L'ETERNU DIU SI MOSSI 'MPIETATI

SI RITRUVAVA 'NPALERMU MALATA  
UNA DAMA TRAPANISA E STAMU ATTENTI  
VENT'ANNI NNA LU LETTU CUNNANNATA  
NUN CI POTEVANO MAI MIRICAMENTI  
LA SANTA CCI VA 'NSONNU NA NOTTATA  
CCI RISSI «...DAMA STAI ALLEGRAIMENTI»>!  
SUGNU LA VIRGINEDDA ROSALIA  
VINNI A GUARIRI A TIA STA MALATTIA

DUMANI VIENI A RITROVARE A MIA  
A MONTE PELLEGRINO FESTEGGIANNO  
SI PI CASU TU NUN SAI LA VIA  
LI STISSI PIERI TI CI PORTERANNO  
L'INDOMANI LA DAMA SI SINTIA  
LIBBIRA E FRANCA DI QUALUNQUE AFFANNU  
COMU 'NTERRA LI PERI POSAO  
PE FORA PORTA SAN GIORGIO PIGGHIAO

UN'ANTICA CAMMARERA SUA 'NCUNTRAO  
A LA MONTAGNA LA VOSI PORTARI  
PI VULIRI DI CUI NNI CRIAO  
GIUSTU LA GRUTTA L'HA GHIUTU A 'NZIRTARI  
COMU LA DAMA NNA LA GRUTTA ENTRAU  
S'INGINOCCHIÒ E SI VINNI ADDORMINTARI  
E NNA LU SONNU UN ANCILO HA 'MPARATO  
UNN'ERA MISU LU SO CORPO SACRATO

COMU LA DAMA GIÀ S'ARRURPIGGHIATO  
LU PIRRIATURI SI FICI CHIAMARI  
SCAVANNO 'NNA DDU LOCO DISIGNATO  
LO MONOMENTO HANNO JUTU A TROVARI  
COMU DI L'ANNI AVIA STATO FORMATO  
DUNNI SI GRAPIA NUN SI PUTIA TROVARI  
SCINNERU 'M-PALERMO E CCI JU LU PRITURI  
LO SINATO E PURU MONSIGNURI

TUTTI PRIGAMU LA COMPAGNIA  
DICENNU ... VIVA SANTA RUSULIA!

GIACULATORIA  
...EH I MALATEDDI VONNU 'RAZIA RI TIA  
... VIVA SANTA RUSULIA

## CANTO N. 4

BELLA FESTA SI FA 'NCELU  
CU LI VIRGINI E LI SANTI  
C'UN AMURI E TANTU ZELU  
LI VIRGINI ABBALLANU TUTTI QUANTI  
'NANZI A DIU PATRI E SIGNURI  
LI VIRGINI ABBALLANU TUTTI L'URI

DI LU TRONU LA SCINNERU  
ABBALLATI CARA MATRI  
QUANTU NUI N'ADDIVIRTEMU  
RALLIGRATI VOSTRU PATRI  
A MUMENTU NCOMPAGNIA  
ABBALLANU TUTTI CU MARIA

MARIA VIRGINI È LA PRIMA  
MARIA VIRGINI È LA PATRUNA  
A LI STIDDI A LA MARINA  
MARIA VIRGINI È SULI E LUNA  
GRIRA ACCUSSÌ OGNI VIRGINEDDA  
VIVA MARIA CH'È LA CCHIU BEDDA

MARIA VIRGINI SI PIGGHIA  
PI CUMPAGNA A RUSULIA  
E CCI RICI AMATA FIGGHIA  
" ...VENI GIUBULA CU MIA,  
FAI N'ABBALLU GRAZIUSU  
RALLEGRA PATRI, FIGGHIU E SPUSU>>>

ORA NESCI URSULA SANTA  
CU LA CARA CUMPAGNIA  
'N-CELU GLORIA SI CANTA  
BALLA BARBARA E LUCIA  
BINIGNA MEDITA CU NORA  
ROSA, CICCIA E PITITTINA  
ORA NESCI CU CUSTANZA  
AITA, NINFA CU SPIRANZA  
E SPIRANZA CU VICENZA  
E VICENZA CU LORENZA  
ORA NESCI DOROTIA,  
BRIGIDA, GIULIA 'N-CUMPAGNIA  
ORA NESCI SANTA LIDDA,  
GRAZIEDDA CU SISIDDA  
ORA NESCI SANTA FARA,  
NICULETTA E SANTA CHIARA  
ORA NESCI MARCELLINA...

## **RECITATO**

<<CU LI SOI CURUNI 'N-TESTA  
'NNANZI A DIU FICIRU FESTA,

GESUALDA, REMUALDA,  
GESUMUNDA CU RUMUNNA.

MA TRA TUTTI 'STI SANTI,  
QUALI SUNNU LI CCHIÙ FISTANTI?>>  
NUCCENZIA MARTIRI E VIOLANTI

## **CANTATO**

VIRGINEDDI PURI E SANTI  
CA BALLATI 'N-PARADISU  
FRA TRIUNFI SONI E CANTI  
CU PRIGHIERI E BONU VISU  
SI LI VIRGINI SU MILLI  
MARIA VIRGINI È LA PATRUNA

SI LI VIRGINI SU STIDDI  
MARIA VIRGINI È SULI E LUNA  
GIÀ S'HA FATTU 'STU BANCHETTU  
E CU TANTA DIGNITATI  
CUN N'AMURI E LETU VISU  
LI VIRGINI VANNU CUMPLITI 'N-PARADISU  
CHIAMANNU...

## **RECITATO**

GIUSTA, PIDDA, GRIFONIA,  
SILVIA, URSULA, GIOVANNA,  
NINFA, MINICA, FILUMENA,  
TANATINA, ANCELINA, ERNESTINA,  
VERONICA, LETTERINA, CASIMIRA  
BINIRITTA E RUSULIA...!

TUTTI PRIAMU A GESU, GIUSEPPI E MARIA!  
... VIVA SANTA RUSULIA, VIVA!